

尚書衍義

周書

牧誓

氣勢雄橫特出視夏商之文爲一變

時甲子昧爽王朝至於商郊牧野乃誓

先揭明原委

王左杖黃鉞右秉白旄以麾曰逖矣西土之人

逖遠也勞之

收野乃誓之下即可徑接王曰古人有言云云今復加入左杖黃鉞至予其

誓一節將一番文字頓作二三層級以爲文章節奏從空際展拓摹寫武王

威神及三軍列國聲勢一一赫弈如見省卻多少鋪叙閒文乃由無文字處

生出文字想見史家於此特費經營所謂夾縫中寫生手也

王曰嗟我友邦冢君

友有同史記作有冢大也

御事

御治也猶執事

司徒司馬司空亞旅

亞旅上大夫

師氏

師氏軍旅王舉則從

千夫長百夫長及庸蜀羌髳微盧彭濮人

庸濮在江漢之間羌在西蜀髳微在巴蜀盧彭在西北

此見軍行之盛又見天下同心疾紂無閒中國夷狄也又案誓詰列邦冢君而千百夫長在所不遺所以能得人心

稱爾戈比爾干立爾矛予其誓

此亦文字步驟盤旋頓挫以取姿勢預為下文六步七步四伐五伐伏根以下方入誓文

王曰古人有言曰牝雞無晨牝雞之晨惟家之索索盡也今商王受惟婦言是用

昏棄厥肆祀弗答昏混也混棄盡也肆祭名昏棄厥遺王父母弟不迪迪用也乃惟四方之多罪

逋逃是崇是長是信是使是以為大夫卿士俾暴虐于百姓以姦宄于商邑今

予發惟恭行天之罰恭與其同奉也

數紂之罪亦隱約不盡不似偽書之極口醜詆不留餘地文氣勁直而下至

為駿逸兩用昏棄厥字五用是字皆文章行氣處也以下專以排募取勢

今日之事不愆於六步七步乃止齊焉夫子勗哉愆過也勗勉也不愆于四伐五伐六

王父祖之昆弟

恭其田

伐七。伐乃止齊焉。勗哉夫子。一擊一刺曰伐

戰略至簡所謂一戎衣而天下定孟子所謂以至仁伐至不仁而何其血之

流杵也

尙桓桓如虎如貔如熊如熊于商郊。句法奇健弗御克奔。御禁禦也先戒以整暇後則不禁其奔駛以役西土。役爲也爲

我西勗哉夫子爾所弗勗其于爾躬有戮

萃升書院講義

卷一

洪範九疇之目蓋上古相傳治天下之大德箕子以告武王而史官潤色之
以爲此篇亦千古典志之祖淮南子云誦詩書者期於通道略物而不期於
洪範商頌是洪範商頌自漢初以爲難通矣先大夫曰自大小夏侯推五
行傳劉向歆傳以行事而洪範一篇遂爲災異荒怪之書班氏取以入史是
其失也近人臬錄伏生大傳以五行傳爲伏生之作尤爲失考漢志明言夏
侯始昌善推五行傳以傳族子勝下及許商豈嘗以爲伏生書哉伏生解五

洪範

洪範九疇之目蓋上古相傳治天下之大德箕子以告武王而史官潤色之

以爲此篇亦千古典志之祖淮南子云誦詩書者期於通道略物而不期於

洪範商頌是洪範商頌自漢初以爲難通矣先大夫曰自大小夏侯推五

行傳劉向歆傳以行事而洪範一篇遂爲災異荒怪之書班氏取以入史是

其失也近人臬錄伏生大傳以五行傳爲伏生之作尤爲失考漢志明言夏

侯始昌善推五行傳以傳族子勝下及許商豈嘗以爲伏生書哉伏生解五

行以行爲用云五者是爲人用不作爲天行氣之語其不安推災異明矣

惟十有三祀克殷後二年王訪于箕子王乃言曰嗚呼箕子惟天陰隲下民隨定也相協

厥居相使也使我不知其彝倫攸斁彝常也敘序也

蓋問治天下之條理節目也

箕子乃言曰我聞在昔鯀湮洪水湮塞也汨陳其五行汨陳皆亂也帝乃震怒不畀帝謂舜也不畀

不使也

洪範九疇

大法九等

彝倫攸斁

斁也

鯀則殛死禹乃嗣興天乃錫禹

錫與也謂禹興而天助之

洪範

九疇彝倫攸斁

於是大法九等禹敘次之

此述鴻範所由起經文帝乃震怒不畀為句天乃錫禹為句世儒誤連下讀

之遂疑洪範九疇為天之所賜而禹受洛書等邪說緣附而起致此經為後

世淫巫荒怪之所謬託其原皆出于此而不知經文之本無有也先大夫

曰孔疏云龜負洛書本無其事緯縱之書不知誰作通人討覈謂偽起哀平

是孔氏頗獻疑議據五行傳云維王后元祀帝令大禹步于上帝禹乃恭辟

厥德受帝休命爰用五事建用王極據此則九疇乃禹所敘非天所賜明矣

初一日五行次二曰敬用五事次三曰農用八政

農勉也

次四曰協用五紀次五

曰建用皇極次六曰乂用三德

乂治也

次七日明用稽疑次八曰念用庶徵

念諒同字諒告也

次九曰嚮用五福威用六極

嚮響同字嚮者賞也威者罰也

此上古制治治條理節目也上古簡樸故不如後世科條之詳然於為政大

綱亦無不該貫矣

案九疇次第初視之不得其解久之乃明其意蓋九疇以皇極爲主故位之於中前四疇其體也後四疇其用也體者踐皇極之具用者致皇極之法也本之於天則有五行施之於人則有五事八政者所以治人也五紀者所以承天也四疇既立然後以三德裁制之合則有賞不合則有罰福極是也然人君裁制天下人君之不法則裁制之者誰乎曰稽疑是稽疑者以神權與民意裁制夫人君者也人君賞罰天下人君之善否賞罰之者誰乎曰庶徵是庶徵者以天時休咎賞罰夫人君者也夫重君權以制天下天下無不治矣而患夫君人者之自恣也假神權及民意以裁制之假天時休咎以勸懲之庶幾君人者之不敢自恣而皇極可建九疇之大法可立乎然猶不敢以自足也而終有待於庶民極焉此聖人所以爲萬世慮者至深遠也

五行

依史記漢石經校刪一至九等字行用也五者皆人所用

一曰水二曰火三曰木四曰金五曰土水曰潤下火

曰炎上。木曰曲直。

木可以揉曲直

金曰從革。

金可以因革因從也

土爰稼穡。

爰亦曰也種曰稼斂曰穡

潤下作鹹。炎上作

苦。曲直作酸。從革作辛。稼穡作甘。

潤下炎上言其性鹹苦酸辛別其味此聖人因物制用之事所謂形而下者

謂之器也

五事。一曰貌。二曰言。三曰視。四曰聽。五曰思。

貌曰恭。

貌以恭為主

言曰從。

從順也順

視曰

明。

聽曰聰。

思曰睿。

恭作肅。

恭則能作肅矣

從作乂。

乂治也順於理則治

明作哲。

聰作謀。

謀者敏也

睿作聖。

恭從明聰其德也肅又哲謀其效也此聖人因材立教之事所謂形而上者

謂之道也

八政。一曰食。二曰貨。三曰祀。四曰司空。五曰司徒。六曰司寇。七曰賓。八曰師。

施之政事則其大別如此

五紀。一曰歲。二曰月。三曰日。四曰星辰。五曰歷數。

八政皆人事五紀皆天時

睿通於微密

二十八宿逆見以

氣節

皇極。皇建其有極。斂時五福。言君能立極乃總集是五福也用敷錫厥庶民。以普錫諸民惟時厥庶民于汝

極也。時義錫汝保極。錫與也與汝共守此極也此下汝字皆對武王言古人質樸故或稱皇辟或稱汝無定例也

九疇惟皇極之義最精故其詞獨詳大禹之所叙箕子之所傳皆重在此蓋古者之君天下不惟享有之而已所以建中立則以教養億兆人庶而咸範圍之使不過是謂之極極者中也則也非皇王之尊不能立此極故曰皇極然其建極之義固欲普天下之民而大淑之極之四海內外無一夫不得其所程效至是斯之謂庶民極焉由皇極而嬗為庶民極斯真千古大同之宏指也古之聖智固已見於及此其日夕所兢兢圖維而惟恐不能至者亦惟此而已斯指也載籍所不常言而秦漢以下之士所未嘗見及者也嗚乎其義閎遠矣

凡厥庶民無有淫朋。朋古修字人無有比德。比周邪德惟皇作極。

敷天之民無一夫之不淑此固皇極之盛軌也

此乃试读, 需要完整版请下载: www.erzongbook.com

極則邳治之隆千古所不可觀之盛世矣

曰皇極之敷言

曰起語詞敷賦也皇極文皆有韵故曰賦言自其作汝用咎以上皇極之賦言也

是彝是訓是法

是教于帝其訓帝天也訓順也

凡厥

庶民極之敷言

凡厥者兼臣民爲文無偏無顯以下庶民極之敷言也

是訓是行訓順也

以近天子之光

近附也

曰天子

作民父母以爲天下王

由皇極而嬗爲民極最見古人大同之精義古之人君皆以爲民也民俗愚陋故非皇無以建極而皇極之旨在敷錫庶民及其終也天下之民皆歸至善則皇極之名亦不復存而遂爲庶民極矣天子作民父母以爲天下王猶曰爲之倡導者耳知古之制治者壹是以民爲本也

三德一曰正直

正直爲正正曲爲直

二曰剛克

三曰柔克

正之而不聽則必有以克之克之之道或用剛或用柔

平康正直

正直者平康之

道

彊弗友剛克

友順也弗順者宜用剛克

燮友柔克

貌順而實否宜用柔克

沈潛剛克

沈潛之性宜有以發之故用剛克

高明柔克

高明

之質不易服人宜用柔克

三德者所以裁制天下之人使無過不及之差而胥納之于皇極乃帝王輔

世宰物之微權也

惟辟作福惟辟作威惟辟玉食

福謂爵賞威謂刑罰玉食美食也

臣無有作福作威玉食臣之有作

福作威玉食其害于而家凶于而國人用側頗僻民用僭忒

此經多以人民對舉民謂庶民人謂百官

治世宰物之權唯君上得自操之魁柄不可下移否則綱紀數壞而天下亂

矣

稽疑

稽說文作叶叶卜問也

擇建立卜筮人乃命卜筮

稽疑言卜筮庶徵言天時休咎皆所以推重神權而以之鈐制人主者也上

古神道設教固宜有此且王者宰制天下四海之大皆在其掌握之中苟非

推重神權及天意復誰得而制禦之者哉斯則此兩疇之用意也

曰雨曰濟曰圉曰雩曰克

此卜兆也雨者兆之體如雨然濟者如雨止之雲氣在上者也圉者色澤而光明也雩者氣不釋鬱冥冥也克者如侵氣之色相犯者也

曰貞

曰悔

此占卦也內卦為貞外卦為悔

凡七卜五占用二衍忒

衍多也忒變也

立時人作卜筮

二人之言

立卜筮之官

三人占則從

以上略舉龜筮之例

汝則有大疑。謀及乃心。謀及卿士。謀及庶人。謀及卜筮。汝則從。龜從。筮從。卿士從。庶民從。是之謂大同。身其康彊。子孫其逢。逢大也與從韻吉。汝則從。龜從。筮從。卿士逆。庶民逆。吉。卿士從。龜從。筮從。汝則逆。庶民逆。吉。庶民從。龜從。筮從。汝則逆。卿士逆。吉。汝則從。龜從。筮逆。卿士逆。庶民逆。作內吉。作外凶。內謂國中。外謂出境。龜筮共違于人。用靜吉。用作凶。

此見古人詢謀之法。謀及卿士。今之上議院也。謀及庶人。今之下議院也。但古人先斷於心。而又決之以卜筮。不盲從法定之多數耳。

庶徵曰雨。曰暘。曰燠。曰寒。曰風。曰時。五是來備。五是依史記校。五是五善也。各以其叙。庶草蕃廡。

庶草百穀百蔬也。一極備凶。一極無凶。

此言天時休咎。曰時者五者皆以時至。則曰時也。或過不及。則爲咎矣。

曰休徵。曰肅。時雨若。曰乂。時暘若。曰哲。時燠若。曰謀。時寒若。曰聖。時風若。曰咎。

內。祭冠婚
外。出師征伐
常。動作
雨。開物
暘。乾物
燠。長物
寒。成物
風。動物
燠。煖

徵曰狂恒雨若曰僭恒暘若曰舒恒燠若曰急恒寒若曰霧霧者不明恒風若

休徵咎徵皆借以儆戒人君有此美德則天報之以休有此惡行則天報之以咎庶幾為人君者懷帝鑒之匪途兢兢焉而不敢肆耳然天道難測故曰

若若者未定之詞 稽疑用意略與三德相配庶徵用意略與福極相配義

已見前

曰王省惟歲省管也王管則應之以歲卿士惟月庶尹惟日庶尹百官也歲月日時無易無易不差忒也百穀用

成又用明又治也俊民用章賢人得以章顯家用平康日月歲時既易百穀用不成又用昏

不明俊民用微家用不寧庶民惟星星有好風星有好雨有好風者有好雨者日月之行則

有冬有夏月之從星則以風雨月經筭則多風離畢則多雨

王省惟歲重責君上之詞日月之行則有冬夏月之從星則以風雨意在上下相維以成邦治如天道之運行四時不忒爾

五福一曰富二曰壽依說苑校三曰康寧四曰攸好德攸修也好德善德也五曰考終命六極一

下相維以成邦治如天道之運行四時不忒爾

好後福
憂心
隨

曰凶短折。二曰疾。三曰憂。四曰貧。五曰惡。六曰弱。

五福六極帝王刑賞之具故曰饗用五福威用六極也

日明賦卷一百一十五